

Naalakkersuisunut apeqqut:

1. **meerartaarnermi sulinnigiffeqartarnek Danmarkimi periuseq naapertorlugu sivilutiginngortinneqarnissaannut periarfissat/aporfissallu nassuiaatigisinnaavisigit?**
2. **angutit arnallu naligiisitaanissaat eqqartortuartillugu, anaanaasup ataataasullu meerartaareernerup kingorna sulinnigiffeqartarnermikkut naligiisitaanissaat suliniutigineqalersaarnerluni?**
3. **angajoqqaanngortut innarluutilimmik meerartaarsimasut suli sivilunerusumik sulinnigiffeqartarsinnaanerit anguniarlugu Naalakkersuisut suliniuteqarnerlutik, pilersaaruteqarnerlutilluunniit suliniutiginnissaannut?**
4. **Namminersortuni sulisorineqartut meerartaareernerup kingorna sulinnigiffeqarnissamut pisinnaatitaaffii pitsanngorsaaviginarneqarnerlutik?**
(Inatsisartunut ilaasortaq Doris Jakobsen, Siumut)

Akissuteqaat

(Isumaginninnermi Naalakkersuisoq)

Naartunermi erninermilu sulinnigiffeqartarnermi malittarisassat pillugit apeqquteqaatinnut qujanaq.

Naartunermut erninermullu sulinnigiffeqartarnerup sivilussusia pillugu malittareqqusat nunani avannarlerni aamma nunani namminersornerusuni assigiinngitsuupput. Naalakkersuisut isumaqarput, malittareqqusat Danmarkimi atuuttut kisimik pinnatik aammali nunani avannarlerni allani malittareqqusat Kalaallit Nunaanni nutaanik malittareqqusaliorsinnaanermut isumassarsiorfusinnaasut. Aamma Naalakkersuisut oqaatigissavaat naartunermut aamma erninermut atatillugu sulinnigiffeqartarnek kingullermik 2006-imi sivitsorneqarmat. Taakkua saniatigut ilisimatitsissutigineqassaaq naartunermut erninermullu atatillugu sulinnigiffeqartarnek sivitsorneqassagaluarpat tamanna aningaasartuuteqarnerunermik kinguneqartussaammat. Maannakkuugallartoq Naalakkersuisut naartunermi erninermilu sulinnigiffeqartarnerup sivitsorneqarnissaanik pilersaaruteqaanngillat.

Naartunermut erninermullu atatillugu sulinnigiffeqartarnermi arnat angutillu naligiisitaanissaannut tunngatillugu pingaaruteqarluinnartuuvuq tamatuma oqallisigineqartuarnissaa. Immaqa aamma nunat avannarliit allat tamatumunnga isumassarsiorfigisinnaavagut. Naalakkersuisut tunngaviatigut isumaqarput naligiisitaanerulernissaq anguniarlugu suliniuteqartariaqartugut, tassungalu tunngatillugu iliuusissamik maanga Kalaallit Nunaannut naleqqunnerusumik nassaarniartariaqartugut. Naartunermut, erninermut atatillugu sulinnigiffeqarallartarnek, ullormusiat aamma meeravissartaarnermut tunngatillugu inatsit atuuttut malillugit sap. ak. siulliit 15/19 anaanaasup sulinnigiffeqarfissarai ataataasullu sap. ak. pingasut. Tamatuma kingorna sap. ak. 17-ni angajoqqaatut sulinnigiffeqarallarnissap agguarnissaa anaanaasup ataataasullu akunnerminni isumaqatigiissutigisassaraat. Taamaalillutik inatsisit maannakkut atuuttut periarfissiippat arnanik angutinillu naligiisitsikannernissamut.

Meeqqanik innarluutilinnik meerartaarnernut tunngatillugu Naalakkersuisut paasinnilluarput pissutsinik immikkut illuinnartoqarsinnaammat sivilunerusumik naartunermut erninermullu

atatillugu sulinngiffeqarnissamik pisariaqalersitsisunik. Taamaakkaluartorli ilisimatitsissutigineqassaaq inunnut annertuumik innarluutilinnut inatsisartut peqqussutaat periarfissiimmat nammineq angerlarsimaffimmi paaqqinninnissamut. Aammattaaq nalunaarutigineqassaaq sulinngiffeqarallernerup iluani napparsimmavimmi uninnganeq sulinngiffeqarallarnissap sivilissusissaata aalajangerneqavinneranut atatillugu ilanngaatigineqarsinnaammat.

Nakorsaaneqarfiup paasisutissiissutigaa, ukiuni kingullerni ukiumut meeqqat 8 – 17 iloqiaassuteqarlutik inunngortartut, aammalu iloqiaassutsit ilai pilattarneqarsinnaasartut.

Taamaattumik maannakut inatsisit atuuttut periarfissiissutaasa saniatigut sulinngiffeqarallarnissamik pisariaqartitsisoqarnerseq nalilersoruminaappoq.

Naartunermut erninermullu malittareqqusat Inatsisartut suliaasaqarfiata ataaniipput. Inatsisini aalajangersarneqartarput sulinngiffeqarnissamut pisinnaatitaaffik aamma ullormusianut pisinnaatitaaffik, innuttaaqataasunut inatsimmi pineqartunut tamanut atuuttoq.

Taakkua saniatigut aamma suliffeqarnermut tunngatillugu illuatungeriit isumaqatigiinniarnermi suliaasaq suliaasaraat, namminersortut pisortallu, aningaasarsiat pigiinnarlugit sulinngiffeqarallernerup sivilissusissaa. Aningaasarsiaqarluni piffissaq qanoq sivilutigisoq sulinngiffeqarallarfiusinnaanersoq atuarneqarsinnaavoq isumaqatigiissutini pigineqartuni aamma atorfillit isumaqatigiissutaanni.

Taakkua saniatigut innersuussutigineqassaaq Inatsisartut ullormut oqaluuserisassani imm. 126-mik oqallisiginninnerat.

Qujanaq.